

SUDSKA KRONIKA: SLUCAJ STANISIC & SIMATOVIC

Author: [Adrienne Kitchen](#)

Obrana tvrdi da su svjedocenja sa sudjenja Milosevicu kljucna i za ovaj slucaj

Tokom ovojedne statusne konferencije, pravni zastupnici Jovice Stanisica i Franka Simatovica „Frenkija“ saopčili su kako im je – zbog sto kvalitetnije obrane klijenata – neophodan i sto potpuniji uvid u sva relevantna svjedocenja koja su se odigrala na sudjenju Milosevicu.

Stanisica i Simatovica zajedno se tereti po pet tacaka za zlocine protiv covjecnosti i krsenje zakona i obicaja ratovanja. Optuznica se odnosi na nedjela pocinjena u ratnom razdoblju (1991-1995), pri cemu se u njoj navodi osam pojedinacnih pogubljenja nesrpskih zrtava: Hrvata, bosanskih Muslimana, bosanskih Hrvata i ostalih.

Dvojica okrivljenih uhapsena su u Beogradu tek u ozujku/martu 2003. godine – u okviru policijske akcije koja je uslijedila nakon ubojstva srpskog premijera Zorana Djindjica – i potom su prebaceni u Hag.

Nijedan jos nije izveden pred sud: obojica su, u prosincu/decembru 2004., privremeno pustena na slobodu.

U optuznici se navodi da su Stanisic i Simatovic sudjelovali u zajednickom zlocinackom poduhvatu ciji je cilj bilo „prisilno i trajno raseljavanje najveceg dijela nesrpskog stanovnistva“ s teritorije Hrvatske i Bosne i Hercegovine.

Takodjer se istice kako su dvojica okrivljenih sudjelovala u osnivanju specijalnih jedinica resora Drzavne sigurnosti (DB) Srbije, te da su „bili nadredjeni pripadnicima i agentima DB-a koji su cinili zlocine spomenute u ovoj optuznici“.

Stanisica je na mjesto sefa DB-a postavio tadašnji predsjednik Srbije Slobodan Milosevic. U tom svojstvu, okrivljeni je obavljao neposrednu kontrolu svih aktivnosti srpske policije u razdoblju od 1991. do 1998. godine.

Simatovic je pak osnivač i prvi zapovjednik Jedinice za specijalne operacije (JSO), poznatije pod nazivom „Crvene beretke“. Takozvani „frenkijevci“ su navodno odgovorni za etnicka ciscenja pocinjena u Hrvatskoj, Bosni i na Kosovu.

Osim spomenute dvojice, kao sudionici zajednickog zlocinackog poduhvata spominju se jos neki haski optuzenici: Milan Martić, Vojislav Seselj, te Milosevic.

Uskoro bi trebala biti saopćena odluka o tome hoće li se Stanisicu i Simatovicu suditi zajedno s Martićem i Seseljem, u okviru jedinstvenog sudskog postupka.

Na ovojednoj statusnoj konferenciji, Stanisiceva je obrana zatražila potpuni uvid u sva značajnija svjedocenja koja su se odigrala na sudjenju Milosevicu, tvrdeći da u protivnom „ne bismo bili upoznati sa svim oslobadjajucim dokazima“.

Simatovicevi branioci su takodjer izjavili da su im hitno potrebni svi relevantniji transkripti sa zatvorenih zasjedanja odrzanih u okviru Milosevicevog procesa.

Tuzilastvo pak tvrdi da je vec osiguralo cjelokupnu gradju s tog sudjenja, ukljucujuci i podatke koji se odnose na dvojicu okrivljenih. Medjutim, prema odluci Milosevicevih sudaca, svi podaci na osnovu kojih bi mogli biti otkriveni svjedoci moraju biti izbrisani iz transkripata.

Tim povodom, tuzilastvo je konstatiralo: „Ruke su nam vezane.“

Prema vazecoj sudskoj odluci, sva svjedocenja s Milosevicevog sudjenja Stanisicevoj i Simatovicevoj obrani mogu biti stavljena na raspolaganje tek 30 dana uoci pocetka njihovog sudskog procesa. Branioci najavljuju da ce pokusati osporiti odluku sudskog vijeca o uklanjanju izvjesnih segmenata iz transkripata, kako bi im zapisnici sa svjedocenja odrzanih iza zatvorenih vrata bili dostavljeni u cijelosti.

Sljedeca statusna konferencija bit ce, najvjerojatnije, odrzana potkraj prosinca/decembra ili polovinom sijejna/januara.

Adrienne Kitchen je stazistkinja IWPR-a u Hagu.

Location: [Serbia](#)
[Kosovo](#)
[Croatia](#)
[Bosnia and Herzegovina](#)

Topic: [Bosnia and Herzegovina](#)

Source URL: <https://iwpr.net/sr/global-voices/sudska-kronika-slucaj-stanistic-simatovic>